

## ЯКСТЕРЬ ГАЛСТУК





# ЯКСТЕРЬ ГАЛСТУК

(КРАСНЫЙ ГАЛСТУК)

№  
АПРЕЛЬ

Пионеронь ды школьниконь эрь ковоно журнал. Молдаевна  
ВЛКСМ-нь обкомсь, МЛСР-нь наркомароссь и ДКО-нь  
облбюрось

4  
1935 КИЗА

## НОМЕРСА

Мола ката — Ясфес . . . . .	3
Кельгса (стихт) . . . . .	5
Васня . . . . .	6
Лиеньди лиеньдеманят (рассказ) . . . . .	8
Кольф-каладф набат (отрывок) . . . . .	10

Журвалса картинкатне К. МАРЫЖИХИНАТЬ

Отвѣт. редакторсь И. Д. ИЛЬКИНОВ.

Лит. редакторсь Петр ЛЕВЧАЕВ

Главлит № 688. Мордгиз № 86. Тираж 1200. Заказ № 1218. Печ. листов 2. Сдано в производство  
15 февраля. Подписано к печати 4 мая. 1935 г.

г. Саранск, типография „Красный Октябрь“ МордГИЗа.




# Юла ката

НИКУЛ ЭРКАЙ

„Бандит Васька“  
(разказета)

Паргана пона катось ащи голанкаты ваксса. Мяргат сон уды... Ширдя няеви, йофси уды, кда сяда цебарьста варжат, нйасак, фкя сельмец аф коньф ды саворня пула пец лакай. Тя уш аф стак. Вдруг тя удысь кодак комоти, ды мадянц тияк лазфти кодак тонгсы... Тоста кармась цирьяма вайгяль. Ваттама, уски крыса; видеста карязонц лангс пезфтазень кеньжензон. Крысась вдь конашка! Мяргат, бта оцю варяга. Ускозе катось тя крысать. кярьмодезе тангодста, ды ко-



дак эрхтсьсы тияксть лангс, тувак<sup>1)</sup> вай-  
мец лиссь.

Тя ульсь колхознай сторонскаса. Мзярда Парганась кундазе крысать, ся пингева тюкс Васькась ашесь пятнагод лангса и саворне морась:

— Мур-мар, мур-мар.. Матфне вдь исть коськ. Ванды молян нолсян сяканя лангакс эста пекезе топоди.

Парганась изь кирдя;


— А-аа, тон стамат!— да кодак ко-

моти Васькать лангс, пачк сяезе види пиленц.—Мон тонафтте паяс пиня, кода рахсемс честнай работникть лангса!

Васька комоть тоста ди.. ушу.

Парганась сивезе крысать, нарнезе няренц, вадердазень усанзон и варжаксть моркш лангса ащи зеркалава.

Катотнень тяфтама уш обуцясна: мзярдовок ломань йоткс аф лисихть рдазуста. А крысать пиле прязон сон



<sup>1)</sup> Сняк



кышезень пачуркав. Илять сон лиссь ушу, руцядезе ортанянц и тусь. Нйисы, Васькань пильге кинза молихть видеста фермав.

— Норак мон варжаса, ков тусь нола кандсь, — эсь потмова арьсесь Парганась, ды тусь кить эзга. Кись мольсть йофси матфти. Парганась мельганза. Матфста каршезонза повсь Васькась, сельменза якстерхть, пулоц рашконзон пачк таргаф.

Масторга пяррьдфт ниле сяканят, сяканятне татафг. Парганась лавгась масторда афлама лофценя да лиссь.

„Вов коса сон пря тряй!“ — лякстась сон и тусь катонь начальникть, Партизанть, вешеньдемя. Тоса сон ашель, тусь ригав. Ваны, сон тоса ащи Кот Котофеичень мархта, да лувонды, кие мзяра крысат да шеерхт повась. Сон луви, а Кот Котофеич кень-женц мархта сермадшесы столбать. Шеерхнень инкса тяшти аф-оцька китькся, крысатнень инкса — сяда оцю, а кодама ката кда кундай Хорь, сянди иськордай мянь целай крест. Изь кенерь Парганась сувамс, Партизансь кизефтезе;

— Уля крысать кундайть?

— Кундайна!

— Ласьк, кандыть пиле прянзон.

Парганась сяда курок ардсь сторожкав, сявозень катфонзон и меки.

— Молодец, Паргана, тяфта яла тиенътты! — сонь шназе Партизансь, а Парганась арьсезе лемдемс нолать:

— А Тюже Васькать содасак?

— Содасаськ тя бандитт, — мяргсь Партизансь. — Тевензонга сембень содасайнек, содасаськ сянге, мес колхозникневок эсонк сю-цихть,

Паргананянь тумста Партизан азсь латта:

— Марят, тячи ригаса ули пуромкс. Сак!

Паргананянь тусь эсь тевонц тиема, Васькась тя пингева пачь-кодъшнесь ни куд нумолхненьдивок, тосовок кенерсь нй тиемс тевенц.

### Катонь пуромкс

Пуромсть ригать алу сембе велень катотне: сермафт, рэвжет, тюжат, акшет качам тюст ды аныцек кодамот аш. Шовдать потмоса синь сельмесна палсть бта сянгарь толхт. Нят толхнень мархта катотне шовдастькя пачк няхть цебарьста.


Од, атя катотне тумстост усаснон ваденьдезь вайса и тянивок аныцек таконь содасть: вадерязь усаснон.

Катотне пуромсть кругс; пулоснон кепсезь бта трубань ды сейтов шерьхкфтихть эсост. Кучкаса ульсь ташта парь, сонь лангсон-за озада ащесь колхозонь-председательть катотц. Сонь сельменза зяйнясть сембода пяк. Усанза кувакат, пула-пец керьф, пиле-прянза порьфт. Сонь вдь аф стак лемецка партизан, кепедезя види лапканц и ущедсь:

1) Вольнай переведсь редакциятч.



— Кельгема катонят, мур-мар, мур-мар! Мес минь сюцихть колхозникне? Мур-мар, мур... отвечада! Мес? А-а-а, аф каштордтада? Мон азса. Бандитт явондасть йоткознок! Сраминдамазь минь Тюже Васькась. Сон бандитокс арась. Сон нолакстомсь, исьце пяхкодь планонц. Колмоньгемень шеерхт теенза мярьгфоль кундамс, сон фкявок изь кунда. Тянь вастс сон повась ниле куд нумолхт, кота сараз лефкскаст, тапась лофца мархта ниле сяканят мур-мар, мур-мар. Мезе мархтонза тиёмс, кельгема катонят, мур-мар?



Пшкядсь аф колхозница Машась:

— Кода теть Васька аф визькс? Минь аф колхозниктяма, а тонь лацет аф тиендытяма. Монь кайсон, панемс тонь колхозста, мур-мар,...

— Панемс, панемс!—Пейшкодсть сембекатогне.—Мур мар, мур... Партизансь тага кепедезе мадянц и мярьгсь:

— Васька, листь кучкати!

Визькс кучкать эса Васькати. Кинья лангс аф ваны.

— Ну, Васька, кда теть Кот Котофеич сяськеви, простиндаты, кда аф сяськови, эста ни кальдяв ули тевце. Кот Котофеич, листь сей!

Кот Котофеичта вию ката велеса аш. Сон повась ни ветесятт крысат, нимгафтова хорект, кемень ласкат. Вов сонь каршезонза наказамать инкса ладязь нола Васькаты.

— Ну, — мяргсь теенза Кот Котофеич, — дайка варжасаськ, кода тон вииять колхознай вайти.

Васькаты понац стясь, кода щетина, сельменза кирьвяззсть бта сяньгарь толса. Пишкодозь сырхкась Кот Котофеичень лангс,

Кот Котофеич аныцек тяконь учсь. Кодак юрнофтсы Васькань каряз лангс, кодак пезфтазень сивеленцты кеньжензон, сянь сель-места нльня йондол кифчядсь. И станя муськозе, нльня сон хромой-



годсь ды види сельмеца сокоргодсь, сокорста тятарьдезь тусь  
шири. Катотне кармасть мадяснон лапама:

— Молодец, Кот Котофеич!—Мярьгсь Партизансь,—яда тяфтак  
тапаить бандиттнень. Теест аш васта честнай катотнень йоткса. Тя-  
ка венякигя, тон бандит Васька—велеть эзда марш! Архт, ков ня-  
ихть сельметне.

Тяка веста ниле катонят макссть заявленият сувамс колхозу.  
Синь мярьгсть, што тячинь илядть эзда сявомок минь карматама  
ареламонза колхознай сероть.

— Примасайнек?—Кизефтсь Партизансь.

— Примасайнек!—отвечасть сембе колхозник катотне.

— А тяни—охотничама, пуромксь аделавсь!—Мярьгсь катонь  
На гальниксь.





# КЕЛЬГСА

Я. ПИНЯСОВ

Ков тон кяшетъ тѣла?  
Коса садстонок лов марсь?  
Тячи кульса, вальмять ала  
Морай кенярьдезь псмарсь.

Сянкса кенярьдсь, морай—рахай,  
Ули цебяръ пизоняц.  
Пацянянзон лапай, лапай-  
Малав терьни кизонячь.


„Сак, тон, кизонязе, малав“  
Инжись маниняти вансь.  
Няинь, кода кельгозь паласть-  
Кали сукськя ялгац кандсь.

Синь нюрѣфнесь савор вармась,  
Пиндлофць пацяняснон шись,  
Ава псмарсь алнят нарвась,  
Тяни эшеньдема лиссь.

Пара эряфсь. Седи касы!  
Тяфтам эряф кие няйсь?—  
Кузнять варманясь люкштясы,  
Кузнясь саворня нюрѣй.

Эх, псмартъ мон кельгса-  
Кельгса, мази кизонячь.  
Сянкса эсь кудозень вельксс мон  
Стяфтонь псмар-пизоня.

Саранск 1932 г.





# Басня

Кельгсесы Арьсенти баснянь кульхцендоманц, сяшкава кельгсы, конашкава кивок мезевок ашезь кельгеньде. Аньцек кульсы кие мезе азонды, а сон мяргат тяса и ульсь. Кульхцонды и мзылды,— пара мялезонза. Афолезь анне Арьсентиень кшида, аннелезь ба аньцек капстаняда, сякокс согласиндаль баснянь кульхценкшнema.

Кунара ни Арьсенти содасы, што Мази бабац лама содай басняда ды баснянь азондомонга станя машты, кода кивок ашезь машине. Ламос палондсь цьорашкять сединая, кода ба нежедемс Мази бабанцты.. Но визьди. Лазольхце прянца Арьсеннти сянь, кие туфтозе визьксонь содамать. Но мезевок аф тият, визьксонь содамась эряй. Арт, вешеньдык „визьксонь содамать“ туфтыенц! Лазондк так лазонда сонь прянц, а Арьсенти сякокс-визьксонь содай цьорош. Ламос баснянь кельгись ангорякшнезе прянц, но коданга ашезь сявоньде-йоньц, кода нежедемс Мази бабанцты:

Весть Арьсенти кармась йотама Мази бабать перенянц вакска, а тоса тува!.. Визьксфтома тувось апак ужальдыт мази бабать капстанзон эса сюляй. Тонгсы, „пятаконц“ капста юрнать алу, пр-рксты и лийхцы капстанять юрнек,— шить каршес коськондома. Кда аф Арьсенти — Мази бабать перенязонза фкявок капстаня афоль кад-сембень таргсельхчень.

Ашезь кенерь Арьсенти тувоть айдымонза, Мази бабавок кармась перенязонза валгома.

— Тон месендят, Арьсентиная тоса?

— Мон, Мази бабай, тува перестот айдяны!

— Вай, спасибо, цьораняй!.. А мон тетя танкса басня азондан!.. Арьсенти таконь и учендсь.

— Азондат? — кизефтезе Мази бабанц.

— Азондан? — И озась Арьсентиень вакс.

— “Эрясть—ащесть мирьтт—урьват кафонест,— кармась Мази бабась азондома,— Кельксть синь фкя-фкянь пяк. И вот, вестя алясь срхкась вири. Тусь. Аньцек пачькодсь сон вирь пулоняти и лиссь каршезонза бабаня. Куфци бабанясь, триньделькс кичкоргоць алять ингели и кармась кашкомфвайгяльса корхтама:

— Тят яка, аля, вири.

— Мес? — кизефтезе алясь.

— Аваце сивоць ломань алят, сайхть синь тонь мельгат и печьктялязь...

— Печьксамазь катк печьксамазь, а тейне эряви модемс вири, — отвечась бабать каршес.

Сувасть алясь вири..

— Мази бабай, — кизефтезе Арьсенти баснянь азондыть, — а мезеньди станя ся душман бабась аляти корхтась?

— Ээ, цьораняй, эрявь теенза корхтамс. Сонь шайтанць сиводезе штоба раздор тиeмс цебярьста



эряй семьяса и сянкса бабати судендась башмакт. Улихть, цюрай, ваймонь мишеньди ломатты!...

— А-а, — квакаста таргазе ваймонц Арьсенти, — ну азонтк, Мази бабай, сяда тов!

— „И, вот, алясь аныцек кенерьсь вири сувамс, а горбон бабась алять аванцы и корхтай:

— Ворготть кудстот, мирьдце сай шафтанза!...

— А мезенкса? — кизефтезе авась.

Моньць няиня, сон тусь вири иля ава мархта и моньць кулиня, сон ся авати корхтась: „кодак молан куду и шавса авазень“...

— Шавсамань катк шавсаман, но куцта аш коза тейне модемс.

А душман бабати башмакне эрявихть получандамс, сон меки тусь вирь-пулоңав и кармасть алять эса меки учендома. Ашезь кенерь алясь лисемс вирьста, а бабась каршезонса:

— Тят яка, од цюра, кудозт, урвяце ломань аля мархта кармасть якама и мярьгсь тячи илять киге анца мирьдезень атравада...

Мольсь алясь куду. Авац каясь лям-лапшава. Алясь лямть — чьош! — мастору:

— А а, тон монь отравада андомдон йорат!...

Ресь! — аванц пилети... И давай тюреньдемс! И давай тюреньдемс верс, цюраняй, синь тюреньць. Тюреньць, тюреньць, а кивок аф виноват. Аляське корхтай: „тейне бабась азонць“... Аваське корхтай: „тейне бабась азонць“... И мирендасть мирьтт — урват.. Меки кармасть дружнайста эряма. Меки кармасть фкя фкянь кельгома. Озасть весть синь ярхцама и ся йоткова сувасть пялост васькафни бабась. Алясь йоралексоль бабать ланкс тошкефтомдонза пси лям лапшавать, но сяка йоткова кирьвязьсь синь киякссна. Лись толть потмоста сюра мархта шяйтан и меке кятть васькафни бабати макссь якстерь башмакт, а максозень сон байдек пряняса. Пец, цюрай, баснять “

— Спасибо, Мази бабай, — пшкядьсь Арьсенти.

— Каст оцюняста, цюраняй, — отвечась баснянь азондысь.

Тусь Арьсенти куду. Мадсь вастонц лангс и ламос-ламос думандакшнесь, но Мази бабанцазондф баснять коданга ашезе шарьхкодь.

— Вов кда моньць касан; — кайгиста ювандьсь Арьсенти, — Мон обязательна карман сьормадкшнема стама баснят, конат сембеньди кармайхть шарьхкодевомо и кодамовок „шайтан“ эсост аф ули!



## ЛИЕНЬДИ



Новосибирск ошса эрясь цераня Иван Иванов. Алянц лемоцульсь Иван, аньцек теенза кивок алянц лемса изь мярьгоньдя, а видеста Иван. Сон пяк ловкайста тиендь шнесь налхксемань самолеткат. Весть сон тись самолеткя прокс кода афкуксонь и мяргсь:

— Сейчас сонь нолдаса мянь прокс мировой рекордс, штоб сяда вяръя и сяда ичкизи сембе омбамасторстотнень коряс лиель!

Сявсь и нолдазе.

А самолеткясь кодак лийкстай, кодак лийкстай!..

Вармась фатязе сонь, и самолеткясь шарозь шарозь, сембе сяда вярй куценди. Тежань метрань серьс кепедьсь, лийкстась дуцять фталу-и аф няеви ни сон. А меле комость и тага няеви. А меле йосфи кяшевсь дуцяти. И прокс юмась.

Иванць ласьконьди сей тов, ваны вярй и тюртяндышни, но мезь тиемс-аф содасы. Юмась менельти самолеткясь.

Тя пингева сонь теезонза сась сире летчиксь Кудзаковсь.

— Тят пичедь, мярьс легчик Кузаковсь: минь тонь самолеткяцень сатсаськ и кундасаськ-

И Кузаков летчиксь озась афкуксонь самолетс, нолдазе моторть, тусь ардозь и кепедсь самолеткяць мельгя. Лийсь тучать тейс и няйсы: тучать потмоса самолеткясь шаронды. Аньцек тусь мельганза Кузаков летчиксь, а вармась кодак сявсь, вярй кепедсь. Кузаковсь мельганза, а сон ворьгоди. Кузаковсь вярй, а самолеткась сядонга, сядонга, сядонга вярй! А тя пингева кода нароч, Кузаковть мотороц ордадсь, кармась цятордома да козома. Сяда ичкизи лиемс аш кода.

Кузаковти савсь валгомс модать лангс. А Иванонь самолеткац стак и юмась тучать потмос.

Иванць цють изь аварьгод и тусь куду. Кудса сон все-таки аварьгодсь, сяс мес пяк кувать старандась тя самолеткяць лангс. Киза потма сонь эсонза тиендсь.

Кафта частонь йотамда меле теенза ювадихть;

— Иван, ватт, тучать эзда тонь самолеткяце меки лии!

Иванць камотсь ульцяв. Ваны афкукс, самолеткясь тучать эзда лийкстась, самолеткясь и шаронды...



Тя пингева сембе народсь пуромсть. А самолеткясь нинге сембе аф валги и лиеньди прокс тучатнень алга. И сембе кармасть корхтама Иваноньди;

— Нет, корхтайть. Иван, изярдок нинге косовок мирса фкявок эсь тиф самолеткя тяфта кувать изь лиеньдя'

А Иванць корхтай:

— Ванода, ванода!

— Сембе ваныхть. Няйсазь: самолеткясь шаркстсь омбоце боко-нц лангс и тусь алу.

— Прай, прай!..

А самолеткясь тага вярй и давай ксялиндакшнемс. Прокс бта кула петлят тиеньди. Ватк эсь тиф самолеткя! Тяфтама мировой рекордоц нинге киньге ашель. Нльня омба масторсовок ашель. И Америкасовок ашель.

Нинге целай час лиендсь самолеткясь. А меле кармасть валгома.

И вдруг арась йофси оцюкс.

И вдруг валгсь ошть фталу лута лянгс лиссь-тя афкуксонь планер.

Ва тк штука! нолдасть эсь тиф самолеткя, налхсеманя, а тучать эзда мрдась афкуксонь планер!

Тя оказывается, воздушнай школаст лийкстась. Аньцек сон няевсь йомланяста, бта налхксемня.

А планеристсь лиссь и корхтай:

А Поздравьте монь, ялгат, мон мировой рекорд тиень. Ши да ве лиеньдень апак валгондт. Тяфта мирса кивок изь лиеньдя планер лангса.

Иванов Иваноньди арась обидна, мес сонь лангозонза рахсихть:

— Эх, корхтайхть, тон... эсь тиф самолеткя, лиеньди лиеньдеманя, но тя пингева летчик Кузановти звонясть самай ся воздушнай школаста. И корхтайхть:

— Минь тяфтама история лиссь. Исяк нолдамя оцю планер, сон лийкстась тучати, а тячи тучать эзда йомла самолеткя валгсь. И пилотонька эсонза аш. Тинь аф содасасть, ков тусь минь планерциконька?

Теест отвечасть:

— Так тя же минь Иваноньконь эсь тиф самолеткац.

Так што Иван Ивановсь тожа мировой рекорд тись сериста и кувать лиеньдезь.



# Кольф-каладф шабат

„Пяле эряф“ повестьста

Ве. Уды кувака казармась, кона прокс афкунара тиф Ленин ялгать лемса колониякс. Тязя пуроптфт кафта сятта лама церанят, конатнень войнась нилезень аляснон и вачне да пичефксне утячь тядяснон. Нят шабатне мушендсть эряма васта аныцек вокзалхнень да сорнай ящикнень эса.

Ве. Лямбе вастса удыхть тендерхнень лангста да вокзалонь сельгоньдф тиякснень эзда кочкаф „нумолхне“. Озадонь мялхть стукайхть сединаясна; аф пелихть сексень казяма вандыть эзда, аф пичедихть пекть андоманц да лангть шаманц инкса.

Таньцтиста уды Антошась, конань эзда вокзалсь кенерсь ни тиемс „йожу улымай“, конаньди максытьт ни од лем...

—Си, удат?—сонь орхкадезе суседоц.

Шяфтя шабань удомась. Эзкак сыргозсь Сись, но аф содасы, киеколазе таньцти ононц. Сон йорай ваномс онтть педа-пес.

—Удан,—мзнай сузонь пачк и шаркстсь омбоце боконц ланге. Но суседсь педсь, кода сексень кару:

—Си...

—А?

—Удат?

—Аха.

—А шарондат?

—Мон удом пачк.

Тяфтама ответсь исьце озэфт сединц карукс педи суседть, Сон тяни верондась, што Сись аф уды, кармась тарфтомонза.

—Стяк!

—Кадомак., мон школасан...

—Месть зря лабордат!

Сити савсь панжемс сельмец Фатясь, што афкукс аф школаса. Школав сон якай шить, а тяни... ве, удома пинге. Но мес бди сыргозсь..

—Курокона, эзькигя учтама эсот..

Антошась содазе Чертть вайгяленц, кона исяк азсь латта 1я веня ворягодемать колга

... Пейсь да Матроссь станциясот ни,.. Курок сай „унжась“...

Лятфтавсь васень шитнень эзда салава корхтамась, коста аргсэфоль сембе шайкати тумс Одессав. Эста ниньге аф содафоль идень

\*Отрывкат пессестьста.





колонияса зряфть ладоц. Тяни сон  
няйф эсь сельмеса. Пцтай солась-  
ни ся мяльске. Вельмосесь кунар-  
донь арьсемась, кона Антошась  
ускозе ичкизи Чигра атянь сельме  
ингольде, онцке ульсь сяконь ко-  
лга Ванды наываське ули ся туй  
шкалав.

— Мон удан! Тага васькафнесь  
„начальниконц“ и сядонга кеместа  
конезе сельменц. Сон тяни пели  
тяфтама кельме веть алу лисеманц.  
Содасы станциянь серай тияксть  
лямбонц... Но Чертть мялец сонь-  
цень. Мезь таль уль, сон йорай  
тяста васькафтомс ингольдень эсь  
шайканц Одессав и, ладямс зря-  
фонц Вихрть лаца.

— Стяк мярьгонь, иськордазе ша-  
бать пиленц. — Ату!..

Антошати лия изь максови ава-  
рьгодсь; криксь кепедезень лият-  
неньгя. Синь изезь сода, мес аварь-  
ди ялгасна. Ламось пади лятфнезь  
базарть и зепс кядень довомать.  
Эстовок ульсть шабань тяфтама  
вайгальхть. Чертсь, штоба аф пово-  
мс тянь инкса аф пара тевс, ся-  
да курок мадсь вастозонза, бта  
мезьгя аф содай. Ариксь серьга-  
дезе Танятьке.

Сон эвосьф.

— Мезе тиевсь? — цингорфты ню-  
динь вайгальгянц. Тон месь, Ан-  
тош?

Антошась утясь удомась. Сонь  
оноц шорявсь наывать мархта, прокс  
аф содасы, мес аварьди.

— Мон удан..

— Мес аварьдят?

— Удом пачк мон..

Тревогась мадсь. Шабатне пее-  
дезь „зря лаборды“ Сить, петфнезь  
левшень тодунятненьди шамаснон.  
Танясь вельхтязе Антошась и кар-  
мась галанкань уштома. Чертсь  
чипордазень сельмензон, шарьхко-  
дсь, што курок вархьмоди. Пляноц


изь удаля. Шудава савсь ласькоьн-  
демс ингеля станцияв туйфнень инк-  
са и кундамс Сить „шоваманцы“.  
Сон нинге учи, што „команданц“  
сембень тяста усксы.

А Антошась тов тумать колга  
шуроста лятфни. Сон цебярьста  
содасы, што ловть прамс шурова  
сонь сявоньдезь пурьхкянь ды мо-  
дамарень таргама, а тяни аныцек  
тонафни да налхкси. Андсась ку-  
яв лямда да пинемонь ямда. А лия-  
ста нльня сивольгя-топодемс. Сон  
пара мяльса лятфнесы, кодама це-  
бярьста андозь октябрьской омбо-  
це годовщинуать шинзон эзда. Макс-  
сесть саразонь сивель, кемонень  
конфеткат, булкат да печеньят. Тя-  
ни сон учи нинге 1-це майть са-  
манц. Теенза азондозе Танясь, што  
майста кармайхть каваняма нин-  
ге сядонга таньцтиста.

— Ух, кда аф Чертсь, мон про-  
кс лядодень! — тошкси Пейти да  
Матрости — Тяса пара... Ули шко-  
ла, да пяк цебярь учитель!

— А тоса!..

— Э, тоса пади кати мезе, да  
аф тейнек. Антошась ширенц ки-  
рьди Матроссь. — Ся вдь, эх, тоса..





— Ну, тинь кода кельгода, а миньша. Ванды—тендерть пес! Одессав!

— Хуть озамс аф кувать, тyani аф манацеть лаца,.. Кярёмотть кда аф поват чекистонь сельме ингели и кеверьхть.

— А якшамсь?...

— Э-э, нумолсь удци фаль потмоса!

— Да пулофтома лядсь. Хи...

— Эр, панчсек тувонь пулалцень,—кда аф йорат, то тят мзна! Чертс—тонь!...


— Караул!—Сяписта ювадсь сякинь аныцек лятфтазе Пейсь. Сонь эсонза кирьдсть „чекист“, да Танясь. Синь йорахть полафтомс наксада и рдазу панаронц, а чертсь аф максы.

.... Разбой... Убивают!

Шабатне пуромсть ювадить перьф. Дивандайхть, мес Чертсь аф йорай каямс нефтф панарть, мес аф щасы одть. „Чекистске“ Танянь мархта аф шарьхкодихть.

— Да мес аф каясак, али лангозт педсь?

— На, йофси одня,—Танясь пцтай эняльди, сон пяк пели, што Чертть лангс шачихть сит.—На!



Чертсь нежедсь мянь ужети и комафтозе прянц.

— Сявк!

— Аф эряви.

— Да тонь сии!

— Мезь кда.

— Ялгатненьге сиияфтсайть!

— Эр кда.

Чертть прокс равнодушнайста корхтамац сядонга кяжияфтозе „Чекистть“. Сон фталу пуропгозень кядензон и сиведа нотфтазе панарть. Панарсь нльня цятордзь, сязевсь колма китьксова и лядсь „чекистть“ кядсь.

— А мезь тяса?


Чертсь изь корхтав. Сонь сельменза нльня верыясть, а пеенза цятордыхть, бта панар тага сязихть.

„Чекистсь“ орадозе содкськять и моркшть лангс путсь золотань червонецт.

— Нят месь? коста салайть? А?


Шабатне вансть и сельмодьшность Эсьпотмова ламось ни думандась фатямс ба колмошка и ласькезь... Антошатыке сельмец чипорай..





— Матрос, коста сявозень?  
 — А мон содаса, штоли!  
 — Эх!...  
 — Тяни Одессав лоткай серья-  
 демада...  
 — Ворягоди!  
 — Кати.

— Га!..  
 Чертть сельменза воржасть перьф —  
 пяли и лоткасть Пейть лангс.  
 — Сак сей!  
 — Месть!  
 — Валг, пачькодемя...  
 — Содаса.



„Чекистсь“ да Танясь тусть и  
 червонецненьгя сявозь. Лядсь уже-  
 ти Чертсь, ингеленза од панарсь.  
 Ялганза ушедсть рахсема.

— Ламошка пандоть тя панарть  
 инкса?

— Урьвяямс йорать — наряжат  
 графокс..

— Ги!..

Антошась кулхцендсь. мезе азсь  
 Чертсь. Сон шарьхкодезе, коза  
 „пачькодсь“. Чертти пичефкс а  
 Антошась нльня кеняздсь. Сон ша-  
 штсь Пейть малас, кона ванць ва-  
 льмать эзга станциять шири, орх-  
 кадезе бокс и пеедезевсь:

— Эры!..

— Э, сьрьгень нярь!



Пейсь уркстозе Антошась и сяда лама мезьга изь пшкядь, Тага ваны ся ширети, коса меки васу тосьтии паровозсь, калдорфты ваготтнень. Антошась аф шарьх коди, мезь тиемс: кати потамс, кати поладомс валонц.

— Пей!..

— Вортъ маластон!

— Кулхцендт, мон...

— Содате!.. Ащек, мзярз апак тапак лавгамацел!

Антошась эвдось. Сон аф содасы, мес мувору, мес йорайхть тапамс няренц. Вдь анцек корхнестъ йофси парот—цебярхть ульсть, и тyani вов: на!

— Пей, тон месьть?

Пейсь тага шарфгсь Антошась лангс. Ванфонц коряс шарьхкодези, што сон пях кяжи.

— А тон месьть? Фкя сельмецень мархта нягт ломанень коряс лама и лабордат аф сяда кржа... Содате!..

— А мон йофси аф содате... Кати мес сюцяг, Бга изень няеньде мезьга и...

— Ворьтъ!—Пейсь тага шарксть вальмягъ шири. Антошась йорась содамс туфгалть конз тяшкава кя-

жияфтозе ялганц, но сон аф корхтай,

— Пей!..

Ответ аш. Кувать савтъ учен-домс, стак и изь учев. Пейть бга педьсть губанза, сон мезьге изь аз.


—Эрь кда.—Антошась потазъ тусь фгалдонза,—кяжиятъ—шалхка прыцень порьхтъ...

— Мон тонъ порьса!—комотсь Пейсь. Йотась Антошась вакска, фатязе инголенза ащи стултъ, и эсонза эрьтезе сюдыгъ. Стултъ ужец повсь Антошась плманжа пакарэнцты и калдордозь комотнесь моркшть шири, коса шабатне налхксъ лотоса. Дуборфти сембеда ингеле варжакстсь Матроссь. Сон нинге кенерсь няемс, кода кенкшть эзга нуфтолгодсь Пейсь. Антошась мезь—вий пишкодсь комада,

— Мес тон?—Матроссь видепть Антошась, сонъ перьфканза арсестъ ни шабатне.

— Пейсь... Кати мес. и —и...-иии...

Ингольти яцесь Чергсь. Сон васенда ванозень пуромф шабатнень, пргазь Матрость шамас сельгт—нолгт и низелгофтозень пеензон.





— Тон мeсть.

— Йофси аф мон. Хуть печь-  
жомак!

Чертсь ваньсь, бта эрваз  
уча Шарьхкодсь, што псисто фатя-  
сь. Улема, лакась вероц нинге со-  
ткскац инкса, сяс и пезсь,..

— Аф тон?

— Клянусь чертом. Тя Пейсь.

— Ну, ладно. Монь прости. Кан-  
дось моркшть лангст.—няфтсь Ан-  
тошаты.—Эряви пчкафтомс.

Танять ласькомс шабатне ушед-  
сть-ни налхксема. Антошаты тей-  
са ащесь Матроссь ськамонза, а  
Чертсь тусь Пейгь сатома

Лияньди стака улель ся ворьго-  
дигь мумац. Но Чертсь сядя йо-  
жуда, сон Пейгь вятезе ни и со-  
нць ушедозе „Допрость“.

— Тяфта месеньдеть?

Пейсь энялдезь ваны кизефнить  
сельмес, но аф панчсы кургонц.

— Кортак, ату кедчень шееркс  
ваткаса!

Пейсь аф тотнай. Сонь сельме-  
нза шаркстсть моркшть шири и  
тага акшемсть...

— Пшкядеват, али аф?!

— Мон пяк ни кяжиявонь... азса  
видеста: серемсь потмозе и...

Чертсь наглайста пеедезевсь:

— А—ха, тонь потмоце псилог-  
дсь? Пара. Кант кельме ведь!

Матроссь тясовок пели и кеме-  
ста кулхцендсы азоронц. Тусь ве-  
дь мельгя, а „азорсь“ педсь Пей-  
ти.

— Значит минь тонь потмоцень  
кельмофцаськ, зараз, Учт аф лам-  
нясь...

Мрдась ведь мархта Матроссь.  
Іэртсь ведрять арафтозе Пейть  
лангели и варжакстсь, бта прокс  
оцязор:


— Раз!

Пейсь варчси аф верондазь- Учи.

— Два!!

Командать кулезе Антошась, ва-  
ржась шабатнень шири. Пейсь  
ащесь кучкаты эса, инголенза учи  
Чертсь, а синь перьфкаст пуром-  
сть сембе церанятне.

— Лядсь лувомс нинге весть.  
Кда аф комотят ведрати, то каяса  
лангозт,—корхгась Чертсь и тага  
учсь. Пейсь арась ведрять вельх-  
ксс, варжась ведть лангса ащи  
эйхнень лангс. Улема, пельсь ке-  
моста Чертгь эзда. Кепедезень эрь-  
мезья новольшни шгананзон и  
арась, бта ласькома сыркхай.





— Ну, три!

Пейсь комотсь ведрати и ведсь бризгазень мянь Чорттьке пильгонзон. Но ся изь кяжие, сон ульсь довольнай, мес Пейть лангс рахасть сембе шабатне. Пара мялезонза, местяшкава хулхцондсы „отрядоц“. Пейсь тусь голанкаты ингели, пурясь начконзон, а Чертсь мольсь Антошаты малас.

— Ну, Си Тараканыч, мирендат?

Антошась пеедездвсь. Пяк цебярьста Чертсь судендазе Пейть. Нлыгя кяжецка йотась. А шида-кафта меле, изярда пчкясь, Антошаты пильгоц, Чертсь тага фкя ужес пуроптозе „командать“. Аф Пейсь, аф Матроссь изезь сода, мезе азы начальниксь. А Антошась гелкстовсь. Сон думандась, што тага кармай сергыдема Одессав. Тянь инкса сон арась Матрость фталу, штоба сон лангозонза тьяль ванов Чертсь.

— Ну, Си Тараканыч, пчкять?

— Эзыккигя.

— Пара. А тоньпотмоце эшенць

— Факт

— Гож. А мезень инкса серемшнее?

Пейсь шарфтозе прянц станциять шири,

— Мон ванонь ва тов:—меки васу якась „унжась“, кочкась ваготт. Теень лятфавсь... Эх, дума-

ндань, кда аф,—варжась Антошаты лангс—сонь кядец. рази ащельмя?!... А сонь фталон кода кандось.. Эрь, корхтай. Вов и серемонь..

— Зря! Кяльсь аф сонь. Монць изень машт.. Ну, тевсь аф тоса! Мон тyani йоран азомс ва мезяма: карматама якама базару и карматама тага ульмама Лац?

— Пяк!—Шназе плантть Пейсь—Тундас пуропттамс—ух мзяра!

— И тунда тов!

— факт.

Матрость мархта Антошась мезья исть корхта, аныцек Пейсь лабордсь. Сон тяфта ароптсь прятиф „грехонц“ эзда. Чертсь фтаясь: кда мезьге аф корхтайхть значит аф пара мялезост. Эзкак педсь Антошти.

— Ну, Си Тараканыч?

— Карматама якама.

— Карматама?—Чертсь кизефтезе Матростьке.

— Мес аф?—изме коськ.

Чертть сельменз-кафтолдыхть, кода шяв толхт. Пара сонь мялезонза. Вельмоси надьямась Одессав пачкодемать колга. Сядонга, цебярь мяльс сяс, мес „начальники“ аф забота ярхцамать, одежать да удома лямбя вастть инкса. Сон кенерсь—ни тянь колга арьсемс.




# Шабат!

Тинь журналоньдесть,  
ЯКСТЕРЬ ГАЛСТУКСЬ  
сашенды теенть пяк  
оцюста поздазь. Тя  
типографиять сю-  
нода. Кувать кирьне-  
сазь печатламста. Но  
тяда мельдень журнал-  
хнень карматада полу-  
чаемость эсь пингева.

Кучеда редакцияти сер-  
мат, мезь ба тинь йо-  
раледа журналть ся-  
донга интереснайкс ти-  
еманц колга?

Сермадода тинць рас-  
скаст, очеркт, йофкст,  
стихотвореният. Реда-  
кциясь лезды-петьсынъ  
и печатласынъ журнал-  
ти. Редакциять адресоц  
омбрце лопаширеса.





Питьнец 20 тр.

Ц 1 66 3-

Редакция адресов:  
г. Саранск, Советская ул., 52 редакция  
детского журнала "якостерь галетук"